

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Broj: T04 0 KTPO 0056130 23  
Zenica, 20.01.2025. godine

OPĆINSKOM SUDU U VISOKOM  
Sudiji za prethodno saslušanje

Na osnovu člana 45. stav 2. tačka i), člana 241. stav 1. i člana 350. Zakona o krivičnom postupku Federacije Bosne i Hercegovine (ZKP F BiH), podižem

OPTUŽNICU

Protiv,

**H. DŽ.**, neosuđivan, ne vodi se drugi krivični postupak protiv njega,

da je,

U svojstvu odgovorne osobe, u smislu člana 2. stava 6 Zakona o krivičnom postupku F BiH, u javnom preduzeću „██████████“ d.o.o. S., kao poštar u ██████████ u pošti ██████████ u službi za poštansku eksploataciju u ██████████ pošta ██████████, u kojem svojstvu je temeljem Pravilnika o radu „██████████“ d.o.o S. i to Priloga broj 2. sistematizacije poslova i radnih mjesta društva, između ostalog, dužan da vrši preuzimanje i upis preporučenih pošiljaka u dostavne knjižice, vrši dostavu svih poštanskih pošiljaka na domu, postupao suprotno odredbama člana 69 i 70. Općih uvjeta za obavljanje poštanskih usluga u „██████████“ d.o.o S. od oktobra 2010. godine, na način da je,

u maju mjesecu 2022. godine, u V., u ulici ..., u dvije službene isprave-dostavne knjižice za dane 06.05.2022. godine i 27.05.2022. godine unio neistinite podatke na način da je, nakon što je došao pred vrata kuće u kojoj na naprijed pomenutoj adresi živi T. S. kako bi mu isporučio pošiljke broj: ... i ..., pa kada je utvrdio da isti nije prisutan na adresi, pošiljke ostavio ispred vrata njegove kuće, a potom u navedene dostavne knjižice ██████████, u koloni namijenjenim za potpis primaoca za T. S., u njegovo ime se sam potpisao, na koji način je prikazao da je pošiljke T. S. lično preuzeo, iako je znao i bio svjestan da istog nije zatekao na adresi i da mu nije predao pošiljke nego je iste ostavio ispred vrata kuće, te je na taj opisani način u službenu ispravu unio neistinit podatak, a što je i htio,

**Dakle**, unio neistinit podatak u službenu ispravu,

**čime je** počinio produženo krivično djelo Krivotvorenje službene isprave iz člana 389. stav 1. KZ FBiH u vezi sa članom 55. istog zakona.